

Ilulissat ulloq 30. juni 2015.

Inatsisartut suleriaasiat § 37 immikkoortoq 1 naapertorlugu matumuuna Naalackersuisunut apeqquut imaattoq saqqummiuppara.

(inatsisartunut ilaasortaq, Anthon Frederiksen, Partii Naleraq).

Naalackersuisunut apeqquut:

1. nerisassanik nunatta pissarititaanik atorluaanerulernissaq naalackersuisunit pingaartinneqarpaa ?
2. qanoq iliornikkut kalaalimernit atorluarneqarnerulernissaat naalackersuisunit iliuseqarfigineqarniarpa ?
3. apeqquut siulleq aap-piuppat, suut nunatta pissarititaanik nerisassanik atorluaanerulernissamut suliniutit naalackersuisut suliniutigaa ?
4. nerisassat peqqinnanngitsut aamma ulluinnarni inuuniarnermut pingaaruteqanngitsut ilaasa akitsuutaasa qaffanneqarsinnaanerata naalackersuisunit eqqarsaatigineqarsinnaavaa ? – taamaaliornikkut kalaalimernit akiisa apparsarneqarsinnaanerata anguneqarsinnaaqullugu ?
5. tamatta peqqinnerulernissarput eqqarsaatigalugu, maannakkumut iliuusaareersut, saniatigut nerisaqarneq pillugu kalaaliminernik, aalisakkanillu nerisaqarnerulernissaq siunertaralugu naalackersuisut qanoq iliuseqarniarpat ?

UPA 2015 ataatsimiinnermi Avatangiisinut eqqissisimatitsinermullu ataatsimiititaliaq nakorsamit ukiorpasuarini nunatsinni nerisaqarneq, peqqissuseq il.il. pillugit annertoorujussuarnik misissuisarnerni peqataasumit Henning Sloth Pedersen-imit saqqummiussiffigineqarpoq, nunatsinni peqqinnerulernissamut aamma nerisaqarnikkut peqqissutsimut nerisassat sorliit sunniuteqapilussinnaasut, nerisassallu sorliit peqqissutsimut navianaateqannginnerusinnaasut il.il. pillugit soqutiginarujussuarnik saqqummiusivoq. Saqqummiussinermi paatsoorneqarsinnaanngitsumik ersersinneqarpoq, nioqutissat nunatta avataaneersut arlalissuit, ilaatigut akuutissanik assigiinngitsunik akoorneqartartut il.il. peqqissutsimut sunniuteqapilussinnaasut.

Qularutissaanngitsumik paasissutissat ilaatigut takutippaat, nioqutissat avataaneersut ilarpasuit sukkornermik nappaateqalarternermut pissutaaqataaluartartut. illua-tungaaticullu paasissutissat aamma takutippaat, nunatsinni kalaaliminertornerput ukiuni kingullerni arlaqalersuni annikillerujussuarsimasoq, naak nunatta pissarititai nerisassat, avataaniit tikisittakkatta ilaanniit peqqinnassutsimikkut pitsassuungaluartut.

Ullut suliffiit qulit qaangiutinnginerini akineqarnissara kissaatingaara.

Inussiarnersumik inuulluaqqusillunga

Anthon Frederiksen

Partii Naleraq.